

Ленинэнь киява

ВЛКСМ-нь Мокшэрэнь обкомонь ды Саранскоень ошонь комитетэнь газетаст

ИЮНЕНЬ

20 чн,

1937 ие

№ 69 (743)

ВЛКСМ

7-дн 10
чн 10723

Отчетонь ды кочкамонь промкссо асатыкстнэде

Июнь 15—16-це чистэ музикально-драматической училищань комсомольской организациясонь ютась отчетно-выборной промкс. Промксонть анокстась ульнесь лавшо, секскак ульнесь теэз жарыя серьезной асатыкст.

Промксонть эрявсь ушодомс чить, 12 чассто, но часонь ютазь 57 комсомолецтнэнь эйсэ састь авсяк 43 комсомолецт. Агевнина, Хорунжева, Никишева ды Бодин комсомолецтнэ састь комсомольской билеттэме. Помещениясонть эзть сато стулт. Промксонть мо-лемстэ лав лангс ульнесь педяв-тозь ВЛКСМ-нь ЦК-нь III-це пленумонть решениянзо ды кочкамот-веде ЦК-нть сермазо.

Комитетонь секретарентень отчетной докладонь теэмс эзть ульнесь аравтозь шка, секс секретаресь Кошкин ялгась кортась цела час. Сон кортась эрва мезде, но секс-те главнойденть, кода комсомольской комитетэсь ладизе од ломан-тнэнь коммунистической воспита-нианть, — теде кортась овси а ла-мо. Ды а мезде ульнесь кортамс-как. Комитетэсь ноябрь ководонть мейде эзть кундсек те теветень, сынь самоустраивались комсомо-лонть те главной задачадонзо.

ВКП(б) нь историянть основной моментнэнь товастнемань кружок-сонть товастнить аняк 18 комсо-молецт ды аволь союзной 7 од ломанть. Ламо комсомолецт (Агев-нина, Самаркин ды лият) те кру-

жоконтень сакшныть чуросто, ламо комсомолецт а товастнить косяк. Теде Кошкин валгак эзть епта.

Комсомольской организациясонть лавшо революционной бдительнос-тес, стенатнева народонь врагнэ сермалесть контрреволюционной лозунгт. Икелень студентэсь Пи-кулин (кулакось цера) разлагал студентнэнь антисоветской корта-мосо ды лиясо. Неть троцкистской вулгодкстнэде Кошкин валга эзть епта. Овси а ламо ептась ком-со ольской хозяйствадонть, кри-тикадонть ды самокритикадонть. Нетвень коряс жо тосо теветсь аравтозь беряньстэ. Ульнесь слу-чайть, жардо директоронть Котко-вонь роботанзо критиковамонть кис школасто ульнесь панезь студентт.

Кошкин овси стувтызе кортамс советнэс кочкамотненень анокста-модо, общежитиясо роботадонт антирелигиозной ды физкультур-ной роботадонть, парсте товастне-манть кис бороцямодо.

Комсомольской комитетс кочка-мотнэнь ульнесь максозь 12 кан-дидатурат. Кандидатнэнь коря-кортемстэ, 3 комсомолецт спис-кастонть ульнесь пардаз.

Закройтой (тайной) голосова-ниянь коряс комитетс ульнесь кочказь Кошкин, Конкин, Нико-лаев, Сиргеева ды Еделькин ялгатне. Комитетонь секретарекс кочказь Кошкин ялгась.

Г. Левин.



ГЕОРГИЙ ДИМИТРОВ

Июнь 18-це чистэ топодсть 55 иеть Коммунистической Интерна-ционалонь Исполнительной Комитетэнь генеральной секретарентень Георгий Михайлович Димитров ялганть.

Комитетонь секретарекс кочкизь Пивцайкинэнь

Косогор ведень аволь полной средней школасо комсомольской организациясь ульнесь организав-язь 1936 иень ноябрь ковто Ком-итетонь секретарекс сешкастонть ды меедьсе шкас тосо работась Пивцайкин И. П.

Эряви ептас, што Пивцайкин аволь беряньстэ ладизе комсомо-лецтнэнь ды аволь союзной од ломантнэнь юткс политико-воспи-тательной роботанть. Эсь шкасто ульнесь толковазь ВКП(б) нь ЦК-нь февральской Пленумонть

решениянть, Сталин ялганть док-ладозо ды заключительной валозо, ВЛКСМ-нь ЦК-нь III-це пленумонть решениянть. Парсте молить полит-занятиянть.

Июнь 13-це чистэ тосо уль-несь отчетно-выборной промкс. Комсомолецтнэ теэз кеместэ кри-тиковасть комитетонть роботанзо ды эсь прят.

Закройтой (тайной) голосовани-янь коряс комитетонть секретарекс кочказь Пивцайкин.

Б. Березникень район. В. М.

Одс кочкамотненень а анокстыть

Косогор велень колхозной ком-сомольской организациясь пек лавшо. Кодамояк работа а вети, политтовастнема арась. Комсор-гось Расейкин мездеак а меляв-ты. Комсомольской промкст а эр-сить.

Комсомолецтнэ эзизь ловно, а содасызь ВЛКСМ-нь ЦК-нь III-це пленумонть решениянть ды пле-

нумсонть Косарев ялганть докла-донзо. Одс кочкамотненень анок-стамо а ветить. Комсомолонь Бе-резниковской райкомось мезень-как лезкс организациянть эзть максне. Ды вообще Покш Берез-никень райкомось а соды, кода комсомольской организациянть анокстыть одс кочкамотненень.

Маркин.

Оборонань Наркоматсо

СССР-нь Оборонань Народной Комиссаронть Советской Союзонь Маршалонть Ворошилов ялганть приказсо РККА нь Политической

управлениянь начальникекс арав-тозь 2-це рангонь армейской ко-миссарось Смирнов Петр Алек-сандрович ялгась.

Москов—Пелеве ено полюс—Пелеве ено Америка маршрутканть атак валгоне ливтямось

Советской Союзонть геройтне Чкалов, Байдуков ды Беляков ял-гатне правительстванть энялдсть меремс тест теэмс атак валгоне Пелеве ено Америка ливтямо. Правительствась мерсь тест ютав-томс те ливтямонть.

Ливтямонть организовамонзо туртов теэз правительственной комиссия, козонь совасть Рухимо-вич, Каганович М., Туполев А. Алкснис Я. ды Янсон ялгатне.

Ливтямось ули ю т а в т о з ь „АНТ—25“ самолетсонть „АМ—34“

моторонть марто, Самолетонть экипажось—Чкалов, Байдуков ды Беляков ялгатне.

1937 иень июнь 18-це чис-тэнь ашолгадама шкасто 4 чассто 05 минутасто Москов маласо Щел-ковской аэродромстонть максозь ливтямонь старт ды самолетось сайсь курс истямо маршрутка: Москов—Белое море—Кольский полуостров—Франц Иосифень Мо-дась—Пелеве ено полюс ды седе-тов Ледовитой океанонть трокс Пелеве ено Америкав.

Трансарктической ливтямонть участникне казезь СССР-нь ордентнэсэ

СССР-нь Центральной Исполни-тельной Комитетэсь тейсь путовкс: Москов—Красноярск—Якутск—Вер-хне-Колымск—Анадырь—мыс Шмидта—мыс Челюскин—Диксо-вонь остров—Амдерма—Архан-гельск—Москов маршрутканть ве-семезэ малав 24 тыщат километ-рань тарка стака условиянэсэ лив-тямстонть пек покш мастерстванть кис каземс „Н—120“ самолетонь экипажонть СССР нь ордентнэсэ.

„Н—120“ кораблянь команди-рэсь, пилотось Фабия Брунович Фарих ялгась, кона икеле казезель

Трудовой Якстере Знамянь ор-денсэ, —ней казезь Ленинэнь ор-денсэ. Омбоце пилотось В. А. Па-цынко ялгась, штурманось А. П. Штепенко ялгась ды васень борт-механикось В. А. Демидов ялгась—эрыватась казезь Трудовой Яkste-ре Знамянь орденсэ.

Главсевморпутинь политуправле-ниянь начальникень помощникесь А. Г. Басс ялгась ды „Правдань“ кор-респондентэсь Ш. И. Нюренберг ялгась казезь эрыватась „Знак По-чета“ орденсэ.

Пролетариатонь ине писатель

„ЛЕНИНДЭ МЕЙЛЕ ГОРЬКОЕНЬ КУЛОМАСЬ—СЕХТЕ СТАКА ЕМАВКС МИНЕК МАСТОРОНТЬ ДЫ ЧЕЛОВЕЧЕСТВАНТЬ ТУРТОВ“ (В. М. МОЛОТОВ).

А. М. ГОРЬКИЙ ДЫ СОВЕТСКОЙ ЛИТЕРАТУРАСЬ

Советской литературанть касоманзо лангс А. М. Горькоень влияния покш. Алексей Максимович ламо иень перть литературной деятельности весе шкастонть мелавтозь ды вечкезь вешниль ды кепедиль покш эрямос ды творчеством народной литературной ламо дарования. А. М. Горький серма вельде сюлмавозель пролетарской ламо сядот ушодыця писательтнень марто. Сон Россиясо ульнесь пролетарской од художниктнень произведенияст васень редакторокс. Сонэз инициативанзо коряс 1914 иестэнь нолдазь пролетарской писательтнень васень сборник. Те книгантень икельсе валсонть А. М. Горький кортась, што те сборникенть мейле кармить ледстнеманзо ды ловоманзо „художественной эсь литературань теэмантень русской пролетариатонть васень эськелькстнень эйстэ вейкекс“.

Художественной валонь мастертнень од поколениянь покш вечкема марто кастозь-тонавтозь, Алексей Максимович теке жо шкане ульнесь покш требовательной учителекс.


„Литературась,—кортась А. М. Горький,—классонть сельмензэ, пилензэ ды вайгелезэ“...

„Минек литератортнень тевест—стака, сложной тев. Сон ашти аволь ансяк ташто действительностенть критикасо, сонэз берянь енкстнень заразительностенть лангс таргамосонть. Синст задачаст—тонавтнемс, оформлять, невтемс ды, тень эйсэ самай, кемекстамс од действительности“ („О действительности“ М. Горькоень статьястонзо, 337—343 стр.). Сон Советской литератортнень пельде вешсь рабочей классонть, трудовой народонть честной ды парослужения. Советской писательтнень кедьстэ сон вешсь покш качества произведений, конат улест сермадозь келей массатнень туртов, простой ды ванькс кельсэ. Сон вешсь, штобу писательтне видестэ, честна ды парсте невтевельтнине бороцямонть, конань рабочей классось ды трудовой народось ветить эсист лепштциятнень каршо.

Социалистической эсь ине родинанть псистэ вечкезь, Горький пок эзь вечке весе сонэз врагтнень.

Сон кортась: „Эпохась литераторонть пельде кармавтозь вещи участия од мирэнтэ строямосонзо, масторонть ванстомасонзо, мешанинэнт каршо бороцямосонть, кона (мешанинэнь,—Ред.) наксады, калады ды эрвья кодамо шкане может ютамс врагтнень станс,—эпохась литераторанть пельде вещи классовой битватнесэ активной участия, („Литературные забавы“, 381 стр.) Горький покш а вечкема ды кеж марто кортыль литературной обывательтнеде, мешантнеде, нерницятнеде ды „механической граждантнеде“.

„Минек ютксо,—сермадсь сон „Пьесатнеде“ статьясонзо (156 стр.),—улить атак калма кулозь ломанть, сын эшо симить, ярысь, якить улыцява ды ойме таргсить, но перть-пельга весементь отравляют наксадомань стака чинесэ“. Сон парсте чаркодиль, што неть атак



И. В. Сталин ды А. М. Горький Ленинэнь Мавзолеенть вакссо (1951 ие).

калма кулозь ломантне эцнить литературной среданть, эйсэз теилить ормалгадомань брожения.

А. М. Горький аволь а ламо статьят сермадсь литературной бытэнт, литературной средадонть. Васильев „хулиганстонть“ Горький неиль фашистской молодчик, минек социалистической родинанть мерзкой враг. „Минек нравтнэ, чевтестэ мерезь,—берянтэ“,—сермадсь сон „Литературные забавы“ статьясонть (357 стр.). „Пеняцить, што Павел Васильев поэтэсь хулиганит Сергей Есенин хулигандонть пек. Но се шане, зардо веенстнэ сядуть хулиганонть,—омбонстнэ дивить сонэз даровитостентень, „кей натурантень“, сонэз „кондовой мужицкой виентень“ ды лият... Нетькак, нонаткак, эсист существаст коряс, равнодушно „ваныть“ литературной нравтнень колавоманть лангс, од ломантнень хулиганствасо ормалгадоманть лангс, куш хулиганстванть эйстэ фашизманть видсь юткось „озязонь нерьде нурькине“.

Писательской рядтнэ эсь прятванькскавить социализманть враждебной элементтнень эйстэ. Троцкистско-зиновьевско-бухаринской банданть подлой агентэсь Авербах ды сонэз сподвижиктнэ: Киришон, Афиногенов, Ясенский ды лиятне манявсть. Весе сын таргазь лангс ды панезь литературной средадонть. Народонть врагтнень эзь саво тевс ютавомс вредительской мелест-превест, эзь саво калавомс советской литературанть, эзь саво мешамс фашистской агенттнень, диверсанттнень, машиниятнень ды шпионтнень лангс таргамонть, конат эцекшнест литературной организациятнес.

Народонть врагтнень каршо атак мира бороцямонь ветязь, советской сех паро писательтне эшо седеяк кеместэ пурнасызь эсист рядтнень ды топавтсызь А. М. Горькоень—эсь оянтэ, тонавтыцянтэ мудрой заветэнзэ, пек сэрей таркас кепедьсызь советской литературанть, советской искусстванть.

(ТАСС).

СОН УЛЬНЕСЬ МОНЬ ОЯМ

Монень пек стака сермадомс Максим Горькойде. Сон ульнесь монь пек малавикс, вечкевикс оям, ды емамонь сэпесь стака. Шкась аволь ансяк шождалгавтьзе сонэз, но кармавты седеяк ваньксстэ чаркодэмс сонэз а витевикс чинть. Мик отвдекась Горькойнень монь личной веч-

кеманть эйстэ, мон ней седеяк вадрясто чаркодьса, кодамо пек покш тарка сон занимал. Те тарканть кияк зардоак а занясы совдензэ мейле

Ромэн Роллан

Вильнер, Швейцария.

МЕЗЕ ЛОВНОМС ГОРЬКОЙДЕ

Ютась иестэнтэ, народной ине писателенть калмамонь читнестэ художественной литературань государственной издательствась нолдась брошюра „Алексей Максимович Горький“ (питнезэ 10 трешникт). Тосо печатазь: ВКП(б) нь Центральной Комитетэнтэ ды ССР-нь Союзонь Народной Комиссартнэнь Советэнтэ извещенимст ды ССР-нь Союзонь Центральной Исполнительной Комитетэнтэ извещенизэ трудиятнень беззаветной оянтэ, коммунизмань кис пламенной бороцианть Алексей Максимович Горькоень куломало. Брошюрасонть истя жо печатазь советской писательтнень сермаст. „Правданть“ статьязо: „Великий художник пролетариата“. Тосо жо печатазь Горькойде биографической нурькине очерк, косо евтнезь ине писателентэ эрямодонзо.

1936 иестэнтэ средней ды покш эйкакштнень туртов „Жизнь замечательных людей“ сериясонть „Детская литература“ издательствась нолдызе А. Раскинэнь книганзо „Максим Горький“ (питнезэ 3 целковойтэ 50 тр.). Художественной литературань государственной издательствасонть секе жо иестэнтэ нолдазь Горькоень эрямодонзо биографической нурька очерк—„Максим Горький“, конань сермадызе И. Груздев.

Раскинэнь ды Груздевень книгатне ловныцятнень парсте евтити Алексей Максимович Горькоень эрямодонзо.

Заря изданиясо нолдтнезь Илья Груздевень книгазо „Жизнь и приключения Максима Горького“.

Партиздатось нолдась книга: „Письма Ленина Горькому“. Тосо печатазь Горькойнень Ленинэнь серманзо, конатнень кучинизэ Октябрьской ине революциядонть икеле (1907—1916 иетнестэ). Серматне парсте невтити Ленинэнь ды русской ине писателентэ М. Горькоень взаимоотношенияст. Ленин пек покшокс ловсь Горькоень талантонзо ды ванниль сонэз касоманзо мелыга. Ленин Горькоень ловсь истямо ломанекс, кона „эсинэз художественной ине произведенийтнесэ эсь приноз кеместэ сюлмаизе Россиянь ды весе масторлангонь рабочей движениянь марто“ (Ленин). Ленин Горькоень ловсь „пролетарской искусстванть безусловна покш представителекс, конась ламо сонэз туртов (пролетарской искусстванть,—Ред.) тейсь ды эшо седеяк ламо может теэмс“.

Весе серматненень максозь пояснения, те пек шождалгавты синст ловноманть ды чаркодэманть.



А. М. Горький 1900 иестэ

Ленин ды Горький

1890 иенть прыдовома малав мон вастневкшнынь Алексей Максимович марто Нижней-Новгородсо, козонь кучокшнымиз полициянь надзор алав. Седе парсте, прок ломаненть, мон карминь сонзэ содамонзэ Петроградсо, революциянь ушодовомадонзэ икеле. Вастневкшнылинек сонзэ квартирасо Петербургской ено, козонь мон яксинь Ленинэнь пельде сонензэ серматнень ды поручениянень марто. Ильичнень эрявкшносъ заработка, империалистической войнанть кувалт весементь лангс питнесъ кассъ чиде-чис ды литературной роботаяк куроосто муемс ульнесъ а косто. Алексей Максимович витилизе тевенть.

Горький сеске чаркодизе Ленинэнь ды секс вечкизе сонзэ. Ильич сонензэ отвечае текенсэнтъ жо. Аламо ульнесъ истят ломанть, конатнень Ленин вечкевлинзе истя, кода вечксь Горькоень. Алексей Максимович марто вастовомсто кода бути кармил мизолдомо сонзэ чамазо. Сон кортнилъ марто сонзэ часонь час ды те кортнемась витилизе мелензэ. Горький Ленин марто ульнесъ вейке масштабонь, истямо жо гигантской, коть роботась лия тевсэ. Тедэ башка сон ульнесъ вечкевикс, простой ды обаятельной ломанекс. Ды те вейсэндясь эйсэст.

Горькоень свал ульнесъ кодаткак тевензэ Ильичнень, эрва кодамо ломанень кис мелявтомат. Ды Ленин свал покш мельсэ вастылинзе Горькоень неть энялдоматнень, бути сынст топавторантень ульнесъ коть кодамоак возможность!

Лиясто, штобу не загружать Ильичень, Алексей Максимович

лезксэнь максомадо эсинзэ энялдоманзэ кучилинзе монень. Вейке энялдомась ульнесъ А. Н. Алексин докторонтень квартирадо.

Серманть пес Алексей Максимович поладсь: „А мертядо ли Вл. Ильичнень теемс истямо декрет: ошонь эрва районсонть должен улемс доктортнень кудо, косто бу сынст аволизь токше уш“.

Горькоень ули пек покш ролезэ прок од, ушодыця литератортнень воспитателенть. Эрявсь дивсемс, кода сон кенериль ловномо пек ламо серматнень, конатнень кучилизъ сонензэ Каприв, ды конатнесэ вешть лезкс, превс путома, ловномс те эли тона вещанть ды лият. Те сонензэ ульнесъ сехте вечкевикс тевекс. Вейкеяк серма апак отвеча эзь кадно.

Средемась пансь эйсэнзэ обеденов, границань томбалева, но „туемс овси арась мель, но эрямс инвалидной положениясо — тожо тошна“, — сермадсь Алексей Максимович. Туемс арасель мель секс, што юрнэк-мезнек сон ульнесъ сюлмавозь минек масторонь трудиятнень марто, икелев изнявксонь движенияст марто, кона кенярдовтсь эйсэнзэ певтеме, Ленинэнь-Сталинэнь тевенть марто.

Зярдоак а кулыця сонзэ сочинениятнень кувалт весе масторлангонь трудиятне кармить тонавтнеме кода путомс питне ломанентень, сонзэ ванстомо, кисэнзэ мелявтомо, роботамо, мешанстванть тапамо, бороцямо весе мирсэнтъ вадра, валдо эрямонть кис коммунизманть кис.

140

М. УЛЯНОВА

Горькоень ледстнемга чокшне

Июнень 18-це чистэ, чокшне, тельне театрасонть Саранскоень трудиятне эсист траурной заседанияст тешкстызь рузонь ине писателенть А. М. Горькоень куломадо мейле вейке иень топодеманть.

Горькоень эрямонзэ эйкакшшкасто пек ламо пиштевтемадонзэ ды творческой кидензэ докладтейсь эзянь писателесъ А. Куторкин ялгась.

Докладтонть мейле Мокшэрзянь государственной театрань артисттнэ ды музыкально-драматической училищань студенттнэ тейсь художественной часть, косо невтнесъ А. М. Горькоень произведениязо ды сынст эйстэ башка савекст.

Истя, Мокшэрзянь государственной театрань артистесъ Илларионов ялгась евтнизе Алексей Максимовичень „Буревестникенть“. Остатка валтнэ: „Буря! Пусть сильнее грянет буря!“ — ульнесъ вельтизъ виев цяпамосо.

Музыкально-драматической училищань студенткась Агевнина ялгась евтнизе „О горячем сердце“

Данко“ легенданть. Артистической искусствань пек покш мастерства марто ульнесъ ловнозъ „Фея“ балладась. Сонзэ ловныцянтъ, муз.-драм. училищань студентэнтъ Ситкинэнь аволь вестъ тердтнизь сцена лангс ваньцятне.

Истя жо ульнесъ моразь „Есть на Волге утес“, „Солнце всходит и заходит“, „Орленок“, „Каховка“, „Песнь о родине“ моротне ды лият.

Театрань фойесэнтъ ульнесъ тезе Горькоень эрямо до ды сонзэ творчествадонзэ художественной выставка ды сонзэ произведениязо витрина.

Теке марто эряви тешкстамс сеньгак, што Мокшэрзянь писателентень правлениясь лавшосто организовизе те ине датанть тешкстамонзэ. Эзь ульне косояк являвтозъ те заседаниядонть, секс сон пурнавсь кода бути стихийна. Сехте ламо кунсолыцятнеде ульнесъ эйкакшт, конатне залганть чийнесъ мекев-васов, эзь максо кортамо докладчикентень.

А. М.

Иван Александрович ГОНЧАРОВ 1812—1937

Биографической справка

Иван Александрович Гончаров шачсь 1812 иень июнень 18-це чистэнтъ симбирской сюлав купецень семиясо.

1834 иестэнтъ Гончаров прыдызе Московской университетэнь словесной факультетэнтъ. Иешка сон служась Симбирскойсэ, симбирской губернаторонтъ канцеляриясо, конадо сон парсте сермадсь „На родине“ ледстнематнесэ.

1835 иестэнтъ мольсь эрямо Петербургов, тосо кармась роботамо финанстань министерстванть эйсэ, внешней торговлян департаментсэнтъ омбо мастортнень переписканть переводчикекс.

Колмоньгеменце иетнень прыдовома малав Гончаров теевсь малавиксэкс Майков художникенть семиянзэ марто, конань эйкакштнэнь (Аполононтъ — мейле содавикс поэтэнтъ ды Валерианонтъ — икеле пелень критикентъ) сон тонавтсь литературантень. Майковтнэнь кедсь пурнавкшныль литературной а покшке кружок. Те кружоконтъ рукописной журналсонть ушодовсь как русской знаменитой романистэнтъ литературной деятельностезэ.

1846 иестэнтъ Гончаров теевсь содавиксэкс Белинский марто, конась эщо рукописсэ ловнызе сешкантень прыдозъ „Обыкновенная история“ романонтъ. Белинский парсте вастызе те од романонтъ, кода куроосто печатазель „Современник“ журналонтъ страичатнесэ. Романонтъ парсте ловномадонть мейле, Белинский сонзэ ловизе „русской литературанть пек вадра произведениятнень эйстэ вейкекс“. Белинский марто содавиксэкс теевемась ды „Обыкновенная история“ романонтъ успехез Гончаровиэнь лездась совамс петербургской литератортнэнь юткс.

Яла теке сон эзь теев малавиксэкс Белинскоень кружоконтъ марто. Гончаров ульнесъ допрок сложившейся ломань, 12 иеть служась чиновникекс, сон эзинзе прима Белинскоень революционно-демократической мельтнень превтнень, куш сонзэ лангс ине критикесь нолдакшнось эсинзэ влияния.

50 це иетнень васень пелевидес-

тэнтъ Гончаровонь эрямосонзэ те евсь покш тев, сон кавто иень перть ютавтсь кругосветной путешествия „Паллада“ фрегатсонть, теке марто, сонзэ валонзэ коряс, „усксесь „Обломовонтъ“ васень пельксэнзэяк эсь мартоинзэ, но а сермадыль, ансяк прысонзэ арсиллизе“. Путешествиясь писателентень максь покш материал художественной зяряя очерктнэнь туртов, конат печатазель 1855—1857 иетнестэ „Современниксэнтъ“, „Отечественной запискатнесэ“ ды лия журналтнэсэ ды башка нолдазель „Фрегат Паллада“ лемень коряс.

1857 иестэнтъ, Мариенбад австрийской курортсонть улемстэ, Гончаров, кемень иень перть парсте арсемадонзэ мейле, сисем недляс сермадызе малав весе „Обломов“ романонтъ — русской литературанть шедевронтень эйстэ вейкентъ. Романосъ печатазель 1859 иестэнтъ „Отечественной запискатнень“ васень ниле книгатнесэ. Секе жо иестэнтъ сон нолдазель башка книга. „Обломовосъ“ тейсь покш впечатление. Сон появась общественной возбуждениянь шкасто крестьянской реформадонть а пек ламо иеде икеле ды вастозель нузякс-чинть ды застоентъ каршо бороцямонть тердемакс.

1856 иестэнтъ Гончаров кармась роботамо цензурной ведомствасонть, мейле жо теевсь печатень тевтнень коряс Главной управления членэкс. 1862 иестэнтъ сон редактировилъ „Северная почта“ правительственной газетанть. 1867 иестэнтъ тусь отставкас.

„Обрыв“ романосъ — Гончаровонь меельсэ покш произведениязо — нолдазель 1869 иестэнтъ. Общественной икеле молиция кругтнэ те романонтъ вастызь аволь паро мельсэ, сын сонзэ эйстэ видестэ неильть 60 це иетнень революционной од ломантнень пеелемань снартомакс.

„Обрывдэнтъ“ мейле Гончаров малав овси кадызе художественной творчестванть.

Гончаров кулось 1891 иестэнтъ.



Июнь 14-це чистэ полярной сода-
вике летчикесь - орденоносецсь Ф. Б.
Фарих ялгас прядызе трансарктиче-
ской эсизэ пек покш ливтямонть, ко-
на ульнесь ушодозь февраль 9 чистэ:

СССР Н-120* самолетось, кона
валгсь Московонь Тушинской аэро-
дромс, ливтясь Уралонь пандтнень
велькска, Сибирень певтеме тайганть
велькска, Якутиянь пандонь хребет-
тнень велькска, Пелеве енксонь ине-
ведень Ине кинть кувалт, Арктикань
энь простортнень велькска. Ливтя-
лось ульнесь ютавтозь истямо мар-
шрутонь коряс: Москва-Свердловск-
Красноярск-Иркутск-Якутск-Ана-
дырь-Шмидтнень мыс-Врангелень
усия (остров)-Челюскинень мыс-
Диксон усия (остров)-Амдерма-Ар-
хангельск-Москва.

Полярной авиациянь историясон-
зо самолетось телень условиясо ва-
сенцеде ютызе кинть, нонань ку-
валомозо 24 тыщат километрат, лив-
тямонь 145 часос. Те ливтялось, Со-
ветской Союзонь геройтнень транс-
арктической мелень ливтямонть мар-
то вейсэ, сермадсь Арктикань боль-
шевицской завоеваниянь историян-
тень эщо вейке пек паро страница.

СНИМКАСОНТЬ: СССР Н-120* ко-
раблянь командирсь Ф. Б. ФАРИХ
ялгась Тушинской аэродромсо.

ЛАТВИЯНЬ МИНИСТРАСЬ МУНТЕРС СОВЕТСКОИ СОЮЗСО

Июнь 15-це чистэ чить, лия мастор-
тнень марто тевтнень ветиця Латвиянь ми-
нистрась Мунтерс господинесь, кона сась
СССР-в, ульнесь Наркоминделсь лия ма-
стортнень марто тевень ветиця народной
комисаронть М. М. Литвинов ялганть
кедьсэ ды лия мастортнень марто тевт-
нень ветиця комиссаронть заместитель-
тнень В. П. Потемкин ды В. С. Стомона-
ков ялгатнень кедьсэ.

Ве шкасто Московов сась Латвиясо
СССР-нь полпредсь Бродовский ялгась.

Те иень июнь 16-це чистэ ССР-нь
Союзонь Народной Комиссартнень Сове-
танть председателсь В. М. Молотов ял-
гас примизе лия мастортнень марто тевт-
нень ветиця Латвиянь министр Мун-
терс господинень.

Примонть пингстэ ульнесь: СССР-сэ
латвийской посланникесь Кациньш,
лия мастортнень марто тевтнень ветиця
народной комиссарсь М. М. Литвинов,
Латвиясо СССР-нь полпредсь С. Я. Бро-
довский.

Кортнемадо мейле В. М. Молотов
ялгас макссь вавторк Мунтерс гос-
подинень честьс.

Евтазь ломантнеде башка вавторксонть
ульнесь И. В. Сталин, Л. М. Каганович,
К. Е. Ворошилов, А. М. Микоян, В. Я.
Чубарь, Н. И. Ежов, Г. С. Каминский,
Г. Ф. Гринько, М. Л. Рухимович, С. Я.
Судин, В. И. Иванов, Н. А. Паскут-
ский, П. М. Керженцев, И. И. Межлаук,
В. И. Потемкин, В. С. Стомонаков, Н. А.
Вулганин, А. М. Могильный, В. Н. Бар-
ков, А. В. Фехнер ялгатне.

Вавторксонть пингстэ В. М. Моло-
тов ялгас ды Мунтерс господинесь
евтасть вейкест-вейкест туртов привет-
ственной валт. Вавторксонть мейле Мун-
терс господинесь кортнесь Сталин, Мо-
лотов ялгатнень марто ды правительст-
вань члентнень марто. (ТАСС).

Железнодорожникинть правитель- стванть энялдыть нолдамс СССР-нть оборонань заем

Шпионть, родинанть изменник-
тнэ снартнесь лавшолгавтомс Якс-
тере Армиянь виензэ ды минек
масторонть обороноспособностензэ.
Тень лангс ответкс минек масто-
ронь железнодорожникинть прави-
тельствванть энялдыть нолдамс
специальной заемс Советской Сою-
зонть оборонанзо кемекстамонзо
туртов.

Ленинской кшнинь кинть лангсо
Москва—сортировочная депосонть
ульнесь митинг, козонь пурнавкш-
ность малав 700 ломанть. Вейкетть
мельсэ примазь резолюция:

„Минь, Ленинской кшнинь кинть
лангсо Москва-сортировочная де-
понть рабочейтне, служащейтне,
инженерно-технической работни-
кнэ, митингс пурнавозь, евтатано
минек презрениянок ды ненависте-
нек народонь врагтнень Тухачев-
скойнень, Уборевичнень, Эйдеман-
нень, Якирнень, Коркнень, Фельд-
маннень, Примаковнень ды Путна-
нень.

Минек родинанть трудицятнень
пек покш ды священной ненавист-
тест народонть врагтнень—шпи-
онтнень, диверсантнень, вре-
дительтнень, весе сетненень, кие
арси советской цветиця мо-
данть поганямс германской фашиз-
манть чинев кемсэ.

Те банданть разоблачениясь ды
сонзэ лангсо судось—советской
строенть виензэ, кеме-чинзэ ды
несокрушимостензэ невтема. Ка-
питалистической мирэнь лазут-
чиктнень минек масторсонть
арась ды а ули кодамоак поща-
да.

Народонть врагтнень гнусной
злодеянияст лангс ответкс минь
эщо седеяк кеместэ пурнавдано
Ленинэнь—Сталинэнь партиянь
перька, народтнень ине вожденть
Сталин ялганть перька.

Минь кеменьксть седе покшол-
гавтсынек революционной бдитель-
ностень, вадриягавтсынек эсичек
роботанть качестванзо ды тейсы-
нек минек масторонть а тапавиця
крепостекс.

СССР-нть виензэ ды обороно-
способностензэ лавшолгавтомо
врагтнень ды родинанть измен-
никтнень снартнемаст лангс от-
веткс минь правительстванть
энялдано нолдамс од заем—
СССР-нть оборонань заем.

Шумбра улезэ ине, славной ком-
мунистической партиясь ды народ-
тнень вечкевикс вождесь Сталин
ялгась!“

Барабинск депосонть (Омской
кшнинь кинть лангсо) митингсэ кор-
тась машинистесь Сорокин ял-
гась:

— Изменниктнень предательст-
васт лангс ответкс мон мерян
энялдомс минек правительстван-
тень од заемонь нолдамо, конань
средстватне должны модемс
минек родинанть обороноспо-
собностензэ кемекстамонть.

Сорокин ялганть предложениязо
примазель Омской кшнинь ки
лангонь Барабинской отделенианть
15 митингсэ.

Рязано-Уральской кинь вагоноре-
монтной заводонть инженерсь
Додонов ялгась промкссо кортам-
сто макссь предложениязо энялдомс
правительстванть од заемонь
нолдамо. Промксонть весе
пурнавозтне вейкетть мельсэ сог-
ласясть Додонов ялганть предло-
жениянзо мярто.

Ленинской кшнинь кинь вагон-
ной участкань работникесь Соко-
лов ялгас митингсэ явоялгась:

— Фашистской шпионтнень пре-
дательстваст лангс ответкс мон ме-
рян энялдомс правительстванть
седе, штобу сон полдаволь од
заем.

Железнодорожникинть инициа-
тиваст коряс минек масторонть
промышленной предприятиянь ро-
бочейтне, колхозниктнэ эсь пра-
вительстванть энялдыть нол-
дамс СССР-нть оборонань заем.

СССР-нть оборонань заемдонть

Москов, „Правдань“ редакциянтень

Амдерма, июнь 17-це чи.
(Радио).

Покш Моданть самодонк мей-
ле минь радио вельде маринек
оборонань заемонь нолдамо до ике-
ле молия железнодорожникинть
обращениядост. Пелеве енксонь
экспедициянь участниктнэ эсь
вайгелест поладить минек масто-

ронть трудицятнень вейкетть вай-
гельсэ вешеманть.

Минек социалистической ине
родинанть оборонанзо кемекста-
мось—те сех покш тев, конань
кис минь аноктано максомс весе
эсь виенек ды эсь эрямонок.

Экспедициянь мереманзо коряс:
Шмидт, Водопьянов, Молоков.

Нолдамс СССР-нь оборонань заем

Июнь 17-це чистэ Мокшэр-
зянь рабфаксо ульнесь митинг,
козонь пурнавкшность студент-
тнэ, преподавательтне ды служа-
щейтне. Те митингсэ ульнесь
шназь СССР-нь Верховной Судонь
Специальной Присутствиянь при-
говорозо Тухачевскоень, Якирнень,
Эйдеманонь ды лия шпионтнень
ледемадост.

Митингсэ ульнесь вейке
мельсэ шназь железнодорожники-
тнэ энялдомаст правительст-
ванть икеле СССР-нь оборонань
заемонть нолдамо.

Митингень резолюциясонть уль-
несь сермадозь, што фашистской

нулгодькс кискатнень леднемаст
кис евтамс покш пасиба минек
правосудиянтень. Неть гадинат-
нень преступленияст лангс отве-
тэкс кепедемс политической бди-
тельностью, паролгавтомс тона-
втеманть, седеяк кеместэ пурна-
вомс Ленинэнь—Сталинэнь пар-
тиянь перька, народтнень Ине
вожденть Сталин ялганть перька.
Энялдомс правительстванть ике-
ле, штобу седе курок улелель
нолдазь СССР-нь оборонань
заемось, конась седеяк пек ке-
мекстасы минек родной Якстере
Армиянь ды ине родинанок.

П. Л—в.



Республиканской Испаниянь
моряктнэ стройсэ. (Союзфото).

Барселона лангс фашистской авиациянь каявомазо



Валске маень 29-це чистэ мятеж-
никтнэнь кото самолетост бомбар-
дировазь Барселона ошонть. Яжась-
калавсозь зыря кудот, маштозь 70-де
ламо ды ранязь 100-до ламо ломанть.
СНИМКАСОНТЬ: кудо, кона яжась-
калавсозь фашистнень самолетнэсэ.
(Союзфото).

КАПШАДО СЕРМАДСТОМО

ИЮЛЬ, АВГУСТ, СЕНТЯБРЬ
ды лия ковтнэс

„ЛЕНИНЭНЬ КИЯВА“

ГАЗЕТАНТЬ ЛАНГС

Подписканть примить почтань
эрьва отделениясь ды сер-
мань эрьва кандтлицясь.

ГАЗЕТАНТЬ ПИТНЕЗЭ:

Вейке иес—7 цел. 20 тр.

Пель иес—3 цел. 60 тр.

Колмо ковс—1 цел. 80 тр.

Шкань ответ. редакторось.
А. БРЫЖИНСКИЙ.